



# COMUNU DE SOLÈMINIS

Provìntzia de sa Sardìnnia de Bàsciu

Bia Crèsia 18, 09040 – Solèminis (SU – Sud Sardìnnia)  
Còdixi Fiscali (CF) 80005100922 - Partida Imposta balori aciuntu (P. Iva) 01430300929

## Pranu aingìriu de su vacinu contras a su Covid-dexenoi Ita tocat a fai po nai de eja e po si prenotai

(Noas chi ndi bessint de sa Primu Pàgina de su giassu istitutzionali de su Comune)

Data: sa dii de su ses de martzu Duamilla-e-bintunu (06/03/2021)

Ant publicau in su giassu de sa Regioni Sardìnnia ita tocat a fai po nai de eja e po si prenotai po su pranu a favori de su vacinu contras a su Covid-dexenoi, in agiudu de is tzitadinus de otanta annus e finas prus mannus, de chini traballat in is scolas e in is universidadis (de chini est imparadori e puru de chini no).

### Is Tzitadinus prus mannus de otanta annus

- De su primu de martzu (01/03) is tzitadinus chi funt nàscius finas a su Milli-e-noixentus trintaseti (1937), chi ddus nant “Over otantacincu” (Over 85), funt po arriciri, andendi passu-passu, unu messàgiu (= SMS) in su tzellulàriu insoru po ddus cumbidai a nai de eja a su pranu aingìriu de su vacinu contras a su COVID-DEXENOI de sa Regioni Sardìnnia.

Giassu: <https://vaccinocovid.sardegناسalute.it/vaccinocovid/index.php>

- Finas a su catòdixi de martzu (14/03) podint nai a craru de eja in su giassu is tzitadinus chi ant arriciu sceti su messàgiu (SMS) de cumbidu.

- De su cuìndixi de martzu (15/03), TOTU IS TZITADINUS cun prus de otanta annus, chi funt naus “Over otanta” (Over 80), est a nai is chi funt nàscius finas a s’annu Milli-e-noixentus corantunu (1941), ant a podi nai de eja po mesu de su giassu etotu, mancai no ant arriciu su messàgiu (SMS) de cumbidu.

Is tzitadinus chi, faendi diaici, ant a espressai ca su vacinu ddu bolint fai, ddus ant a tzerriai is segreterias CUP (= Tzentru Ùnicu po anca si Prenotai) e ddus ant a cunvocai po ddus vacinai.

Diaici etotu, s'ATS (= Sienda Amparu Sardìnnia) est promovendi custus atòbius in is logus cun sa punna de vacinai is tzitadinus chi tenint prus de otanta annus (OVER 80) cun s'agiudu de is Sìndigus e de is Dotoris de famìllia.

Comentisiollat, chini est strobaus a nai de eja imperendi is maneras arremonadas, de su primu de abrili (01/04) si-nci at a podi acostai a is portalitus CUP (= Tzentru Ùnicu po anca si Prenotai) chi ant a èssiri faineris, unu avatu de s'àteru, aciungendi oràrius spetzìficus, asinunca si at a podi prenotai unu atòbiu telefonendi a su nùmeru 1533, in oràrius scioberaus apostu, finas su sàbudu e su domìnicu, segundu is inditus chi ant a fai sciri infatu.

### **Chini traballat in is scolas**

- Scolas Stadalìs: su personali imparadori e a chini no, cun sa aciunta finas de su personali suprenti "Personali AFAM" = Formazioni Manna Artistica, de Mùsica e de Ballu (is chi funt imparadoris e a chini no).

- Basendisi-nci apitzus de sa lista chi su Ministèriu de s'economia e de is finàntzias at intregau a sa Regioni Sardìnnia, custu personali arremonau:

de s'otu de martzu (08/03) at a arriciri unu messàgiu (sms) de cumbidu a nai a craru de eja a su pranu de su vacinu andendi a si arregistrai in su "Giassu web (= Portali) anca nai de eja a su pranu po si vacinai contras a su COVID-DEXENOI de sa Regioni Sardìnnia".

- Finas a su catòdixi de martzu (14/03), ant a podi nai a craru de eja in su giassu is tzitadinus chi ant a èssiri arriciu sceti su messàgiu (SMS) de cumbidu.

- De su cuìndixi de martzu (15/03), TOTU is tzitadinus chi funt de custa categoria, ant a podi nai de eja a su pranu in su giassu web (= Portali) etotu, mancai su messàgiu (SMS) de cumbidu no ddu ant arriciu.

- Is tzitadinus chi, faendi diaici, ant a nai a craru de eja, ant a arriciri unu messàgiu (SMS) cun s'ora e su logu anca si presentai po si vacinai.

Capitendi chi unu tzitadinu no tengat agradèssiu s'atòbiu, at a podi arrespundi issu etotu a su messàgiu (SMS) e at a èssiri cuntatau agoa po ndi fissai unu àteru.

- A su personali de is scolas no stadalis ddu ant a informai cun noas chi ant a sighiri.

### **Universidadi: personali imparadori e a chini no**

Funt afateriendi-sì a fai sa vacinatzioni de su personali imparadori e de chini no, po mesu de cuntatus deretus intra is Univesidadis de sa Sardìnnia e is Siendas spidaleras chi ant apariciau logus apostu po vacinai su personali arremonau.

PO NDI SCIRI DE PRUS, ANDAI A SA PÀGINA PENTZADA APOSTA IN SU GIASSU DE SA REGIONI SARDÌNNIA, COLLEGHENDI-SÌ A S'ACÀPIU AFATANTI:

<https://www.regione.sardegna.it/j/v/2568?s=420919&v=2&c=3&t=1>

### **Liòngius a custa noa:**

- “Liòngiu: Pranu aingìriu de su vacinu contras a su Covid-19 – Ita tocat a fai po nai de eja e po si prenotai”

## **Innui andai a su Comunu po ndi sciri mellus**

### **UFÌTZIU DE SU SÌNDIGU**

- Responsàbili: Rita Pireddu
- Indiritzu: bia Crèsia 18, 09040 Solèminis (SU)
- Telèfunu: 0707499014
- Curreu Eletrònicu: sindaco@comune.soleminis.su.it
- Curreu Eletrònicu Tzertificau (PEC): protocollo.soleminis@pec.comunas.it
- Oràriu: su Mèrcuris e sa Cenàbara a mengianu de is dexi a mesudii (h 10.00-12.00)

Su Testu Ùnicu de is leis aingìriu de s’Ordinamentu de is Entis Localis, in sa primu parti – “Ordinamentu Istitutzionali” – a su de tres (III) Tìtulus, narat, in is articulus trintases e trintaseti (artt. 36-37), cali funt is òrganus de governu. Intra issus, su chi est de importu su prus mannu est su Sìndigu, po anca èssiri su responsàbili de s’aministratzioni comunali.

Su Sìndigu, chi is tzitadinus avotant de manera dereta comenti est stabilèssiu in sa lei e chi fait parti issu etotu de su Consillu Comunale, òrganu responsàbili de s’aministratzioni, ddui tenit s’arrappresentàntzia, a faci de sa lei, de s’Enti e fait is funtzionis chi is leis e su Statudu ddi intregant.

Aici puru, su Sìndigu fait is funtzionis de Ufitziali de Governu, innui est scìpiu innantis de sa lei etotu, e po custa punna pigat su cumandu de is ufitzius comunali. Candu amancat o est strobau in totu su tretu de tempus o s’esertìtziau de is funtzionis suas funt suspèndias, tocat a su Visu-Sìndigu a si-nci setzi a su postu suu.

Su Sìndigu, comenti a Ufitziali de su Governu, tenit su cumandu:

- de nci allogai is registrus de su stadu tzivili e de is bividoris e de fai totu is fainas chi is leis ddi intregant aingìriu de sa chistioni eletorali, de su serbìtziau militari e de sa stadìstica;
- de pregonai is àutus, chi is leis e is regulamentus aingìriu de sa chistioni de òrdini e de pùbrica siguresa ddi intregat;
- de ndi strogai, aingìriu de pùbrica siguresa e de politzia giuditziària, is funtzionis chi sa lei ddi intregat;
- de ndi billai su chi est a interessu po sa siguresa e s’òrdini pùbricu, faendi-ddu sciri a su prefetu.

In aciunta:

- cunvocat e cuntzertat sa Giunta comunali, assigurendi su giungi apari de is ideas, promovendi e cuntzertendi s’atividadadi de is Assessoris;

- nòmenat a chini ddui tenit sa responsabilidadi de is ufitzius e de is serbìtzius, intregat e fissat is incàrrigus de is dirigidoris e de is agiudadoris de foras, segundu a is maneras e a is sentidus stabilèssius de sa lei e de su Statudu;
- cuntrollat su funtzionamentu de is serbìtzius e de is ufitzius comunalis e su fai esecudoris is àutus;
- cuntrollat su fai a cumpridura is funtzionis stadalis e regionalis intregadas o delegadas a su Comunu;
- cuntrollat su càstiu de is regulamentus;
- cumandat s'esertìtziu de is funtzionis de politzia aministradora e cuntrollat e cuntzertat su serbìtziu de politzia de su logu;
- cuntzertat is oràrius de is esertìtzius cumertzialis, de is pùbricus esertìtzius, aici puru is oràrius de obertura a su pùbricu de is ufitzius pùbricus chi nci funt in su territòriu, pighendi in cunsideru is apretus de is bividoris de dònna edadi chi ndi funt interessaus;
- arrespundit issu etotu o po mesu de is Assessoris, bàsciu de s'acabu scìpiu innantis de su Regulamentu de su Consillu comunali, a is interrogatzionis e a dònna àtera pregunta de sindagau avereguatori presentada de is Consilleris;
- fait àteras intregaduras chi ddi cunferrint su Statudu e is leis.

Aundi su Sìndigu o chini ndi manìgiat is funtzionis a su postu suu no fait lompi a cumpridura is còmpitus arremonaus, su prefetu podit nomenai a unu commissàriu chi ddus acabat.